

或勝於人所以者何人作罪不止入地獄地  
獄罪竟爲餓鬼餓鬼罪竟轉爲畜生畜生罪  
竟乃還爲人畜生中皆畢罪便得爲人是故  
人當作善奉行三尊之教學上四品之法長  
離三惡道展轉天上下生人中豪尊卅世受  
福後長解脫若失威儀一事者當自學如法  
應時自赴誠誨即解若懈怠不勤者應退著  
下座後有功德乃更復之若受語不用及犯  
戒者應便彈棄莫著衆中恐敗餘人若新受  
法未滿三月者其有所犯先不應問也未習  
故也若諸學者承用此律上下相檢乃可至  
竟疾成大願

## 散侍法

問曰若有善男子欲入正道欲依大道而不  
耐戒當作何行以求福祥師曰亦有三事名  
散侍法好可奉何謂三一者身所護法二者  
供養法三者於同學法行此三事即勝作凡  
俗時百倍也

飛十

五

又散侍身所能法者云何雖不持戒當與凡  
俗小異遊居之處數就有經道之處若見世  
俗所行善者法之惡者莫用好言識也醜語  
勿名是爲散侍第一法又散侍供養法者云  
何當侍三寶朝夕莫懈心常歸向並修經書  
若居貧窮無用供養者當加勤仂見人福躬  
親佐助心代其歡是爲散侍第二法又散侍  
於同學法者云何當敬愛其輩無相憍慢坐  
起念之出入參之如已觀也若行路者近則  
相問遠當侍望慎莫背忽是爲散侍第三法  
師曰行是三事雖未即度猶如地多石多草  
種雖不好故得少少以續其時猶勝不種也  
種業不廢會得好地所種乃成收歛有盈斯  
亦然矣行之不休福德扶持會受真戒号

## 四品學法一卷

佛入涅槃密迹金剛力士哀戀經

牟尼世尊在拘尸那城娑羅林間北首而卧

失譯

初入涅槃時密迹金剛力士見佛滅度悲哀  
懊惱作如是言世尊成就最勝無上十力云  
何於今乃爲羸弊無常氣勢微劣之所摧敗  
如來捨我入于寂滅我從今日無歸無依無  
覆無護哀惱災患一旦頓集憂愁毒箭深入  
我心密迹金剛作是語已戀慕世尊愁火轉

熾五內抽割心膂磨碎躰踊悶絕譬喻如巖崩  
顛墜于地久乃醒悟即起而坐涕哭哽噎歔  
歎而言惟哉惟哉死魔大惡無量功德波羅  
蜜聚爲彼死魔之所滅壞復作是言唯願真  
濟請爲我起我今薄祐無依憑處云何世尊  
捨棄於我獨入寂滅自今已後永離哀顏世  
尊寂靜身口意業更不可覩更不得見佛婆  
伽婆入于佛住如來昔日入于佛住三昧之  
時威德光顯倍常殊妙佛面鮮澤過於蓮花  
新開敷時如日初出照於朝陽如是勝面更  
不可見如來處於大衆出大雷音微妙之聲  
更不可聞誠言無二離過患說無詭僞說易

飛十

六

解了說衆所愛說世界之中滅除諸惡至甘  
露城無過佛法咄哉真濟永入涅槃使諸衆  
生無有救護處於生死大曠野中又無眼目  
離於導師誰示其道如來密雲能雨甘露爲  
無常風之所吹滅一切衆生愛火所燒而於  
今孝佛入涅槃誰兩法雨滅其愛火如來於  
今滅於有爲得無上道爲於衆生作大醫王  
一切世界爲煩惱病之所患苦今入涅槃誰  
當矜愍化以正道療諸衆生結使之病如來  
世尊名爲知恩念於恩者我從處胎以來隨  
逐如來如影隨形調和奉順不曾違闕云何  
不感我之至心便見孤棄如背恩者嗚呼恠  
哉咄哉大苦此金剛杵當用護誰即便擲棄  
自今以往當奉侍誰誰當慈愍訓誨於我更  
於何時得覩尊顏護世之王爲顯甘露故遣  
我來擁護於佛如何今日卒捨我等入于涅  
槃我所有命依佛而存一旦捨我當依於誰  
得存此命咄哉真濟矜愍一切常說妙法教

詔愚冥何故今者而卒不言如來所知一切種智過一切上恒於衆生有緣之者思欲利益即於今日何處去耶而於今日便自閉默更不救濟受化之徒諸魔惡人見佛涅槃皆大歡喜如來世尊生死海中作大船師而於今日永捨濟度是諸衆生無量劫來順生死

飛十

七

流唯有如來能以正道令諸衆生皆得返流如來世尊永斷煩惱爲於愚冥衆生作大照明今自涅槃世間衆生增長黑闇永爲無明之所覆蔽金剛密迹哀呼悲惱復作是言世尊三十二百福大人相悉皆具足如何滅壞永不可覩哀哉破壞魔者哀哉轉法輪者哀哉滅一切外道螢火光者哀哉能壞有身者哀哉諸智慧城者哀哉法燈爲無常風之所吹滅哀哉法月爲死羅睺之所吞滅復作是言大寂真濟願爲我說即於今者爲何處去至何方所爲適何國爲至舍衛及王舍城迦毗羅衛波羅奈耶於此諸國爲何處住耶今

爲在何林爲在迦蘭陀竹林菴婆羅林祇陀林於此諸林爲在何處爲在何山爲在白墻山毗提醯山耆闍崛山於此諸山爲在何山願語於我實王何處諸八部衆天龍夜叉乾闥婆阿脩羅迦樓羅緊那羅摩賊羅伽如是等以見於我常隨從佛設當問我佛何處去我當何許以對於彼世尊昔日教化衆生若小疲倦暫寢息時繫心在明爲益衆生云何今者捨於一切永入涅槃更不利益真濟願爲我起我憂悲火熾然育中命將不全願賜一言猶如冷水滅我熾火我今爲憂苦毒蛇之所蛆蟄願賜我法阿伽陀藥以除我毒憂愁毒箭深入我心願賜語鉗爲我拔出一切衆生愛別離苦如來常爲說種種法除其苦惱云何獨不愍我爲我滅此衆苦如今者哀逆闇塞不能推理而自釋割憂心內病說種種語云何世尊不見慰喻我之恭順心不疲怠樂見慈顏無有厭足投身于地願一瞻

視如何世尊不見哀矜誠結牛王常挾持我  
何不將我入於涅槃獨見孤棄我失如來諸  
苦所切無量無邊又不見諦何故獨見放捨  
入于涅槃惟哉惟哉如來一睡更不起耶如  
來已去不復還耶猶如燈滅更不復明如寶  
樓崩更不建立如寶藏役不可還出舉手大

飛十

叫發聲悲哭如帝釋幢所持繩絕倒地不起  
宛轉涕哭心肝腫脹舌悉皆乾燥荒迷躰  
地良久乃蘇愛戀如來功德之身捉相輪足  
急抱不放而作是言如來之足如優鉢羅華  
如日初出清淨柔軟安立之足千輻輪足極  
妙工巧不能盡作轉輪聖王雖有是相相不  
明了如來相輪輻轂具足炳然顯著其指纖  
長附順相著不稀不疎其爪紅潤猶如赤銅  
手足綱縵猶如鵝王肌體豐滿無筋脉皮皺  
天王人王諸鬼神王及以龍王咸以天寃頂  
禮佛足爲化一切諸有緣者以相輪足徧行  
世界而今此足更無有用我於昔日心常喜

樂一旦涅槃更不令我生於喜樂而此無常  
極爲大惡能壞無量功德不思議色如來威  
勢能令見者身心歡喜無量福力持如來身  
無常之力實爲最大能使如來至於死處如  
來以父母乳哺之力禪定力智慧力神通力  
以此諸力不能於無常力中而自拔濟阿難

昔日勸請世尊住壽一劫如來何故不受其  
請真濟往昔於三阿僧祇劫中作百千苦行  
難捨之事一切能捨無數劫中歷侍諸佛奉  
事供養求一切智欲濟衆生於少許時所度  
未幾便入涅槃如來往日爲菩薩時化於衆  
生猶不疲極而於今者可疲倦耶獨法衆生

飛十

如新生犢滿十二旬云何斷乳而棄之去請  
爲我起與濁法犢飽足甜乳于時帝釋數億  
諸天求欲問難云何而不爲其解說千世界  
主梵天王合掌請法今日何不爲說法要滿  
其所願毗沙門王數千万夜叉而自圍遶提  
頭頸吒乾闥婆衆而自圍遶毗留勒叉鳩槃

茶衆而自圍遶毗留博又諸龍之衆而自圍遠如是等衆皆爲飲法甘露而來至此如來何不以良藥救諸疾者外道諸衆毀訾於法何不速起壞彼邪論欲界之主處處壞亂何不降伏如來諸聲聞少於智慧不勤習誦耽於廣博何不速起爲說略要令知正道然令

阿難是佛所親奉侍世尊未斷結使盡於根本何不教授令盡諸結使嗚呼恠哉如此堅實大福德人一旦滅壞而此無常如護財象殘害無數此護財象身大如山如來往昔猶能調伏如是大象云何今者反爲無常之所調伏乃至滅盡

如阿婆羅龍能壞摩竭提興大雲雷電光熾然降注大雹摧折樹木如來能伏彼大力龍而於今者反爲無常之所乘服如鷲掘魔暴虐殘害猶能調彼剛強惡人調彼不調牟尼世尊今爲無常之所摧壞如曠野惡鬼殘殺一切今國空虛猶能調彼使受持戒而

於今者入無常網摧滅無餘如優樓頻螺迦葉深著於我設於邪見榛林之中難可拔出如來猶愍能現十八種神足變化能令調伏今爲無常之所傾倒一切衆生薄於福祐大智之海爲無常日之所乾竭正智須弥爲無常金剛杵之所摧碎佛功德樹覺意妙花道果充滿爲無常斧之所斫壞廣大智光名稱周間徧于世間能燒一切有生之薪爲無常水之所澆滅也盛力無常無有法教不爲智者之所禁制非是精進膽勇猛健勢力名稱柔心調根寂定之所能免咄哉無常酷暴乃余不別好惡有德無德等能摧壞作是語時

飛十

十一

大地震動山頂崩壞大星墮落四方火起日月諸宿無有光色一切天人皆無歡樂我今形體不自勝舉欲沒入地暝眩黃黑心意錯亂志失所念脣乾舌燥語言錯謬聲音嘶破去死不遠命今必絕佛捨而去如是等衆種種哀呼百千種言戀慕於佛帝釋語言止止

已足汝今可不憶念大仙少語

佛告比丘諸行無常無得住者不可體信是  
變易法一切聚集歸散會滅高者必墮合會  
必離有生必死一切諸行猶如何岸臨峻之  
樹亦如晝水尋晝尋滅亦如泡沫如條上露  
不得久停如乾闥婆城暫爲眼對人命迅速

疾於射箭速行天下疾於日月人命速疾過  
於是天無常敗壞應當解知若於佛事有不  
足者不入涅槃佛事周訖乃入涅槃以此佛  
法付囑人天以此重事與聲聞弟子向無畏  
寂滅處去諸有苦盡更不受生汝等不應生  
大憂惱

佛入涅槃金剛力士哀戀經

佛使比丘迦旃延說法設盡偈

失譯

一百二十章

飛十

士

尊者迦旃子

體道修律護

見諸卒暴者

以偈開法路

心當懷愴恨

思惟悲感事

常勤務精進

顧後大恐懼

正法垂欲滅

人年纏壽百

正法之光明

在世不久沒

見訓諸滅經

展轉興誹謗

當捨諸經法

聖覺之所講

反受雜文章

廢損佛所說

證據設乖謬  
見尊覩師父  
心念甚愁毒  
我覺甚真諦  
我言順典義  
詭論無清話  
見尊觀師父  
著世慕豪富  
斯徒衆惡意  
傲慢不崇敬  
是等共辯諍  
墮縛不自覺  
各各共諍訟  
用生毒害心